

MY BIBLE FIRST

PRIMARY YEAR A
Q 3 #28

Eite in Midangte Koici It

SUNDAY

1

A lamdang Pasion' Thupiak Sawmte a nunung gukteng in ei-le-ei i ki-it bangin midangte it ding hong gen hi.

Thupiak numbat ngana in bang gen hiam? **Paikhiatna 20:12.**

Na nu na pa zahtak in a cih bang a cihnopna hi ding hiam? "Hong ngai ing" i cihte, leh letsong piakte sang a zaizaw zaw diam? Bangci na ngaihsut na hiam?

Nu le pa pahtawina ah itna, zahtakna, leh thumanna cihte kihel hi. Nu le pate' thu mangin, zahtak in it leng Pasion zong it, zahtak in a thu man ding a kisin pah i hih lam na thei hiam? Thupi mahmah hilo hiam? Thupi mah hi. Itna Pasion leh a lamdang Ama thukham zuih ding i sin kei aleh eite in Satan deihna a zui hilo ihi hiam?

Thuman ding na kisin pah hiam? Nu le pate a huh a panpih thei mi nahi hiam? Tua bang na hih aleh nu le pa zahtak-in a pahtawi nahi hi.

Pi le pute e leh? Amaute pahtawina in zong hih thukham zuihna mah ahi hi. Pi le pute it-in i don ciangin amaute nuam mahmah uh hi. Koi bang lampi

KAMNGAH

Pasian in hihzah takin eite hong it ahih leh eite zong khat le khat i ki-it ding a kilawm hi. 1 John 4:11, ZSV.


If God so loved us, we also ought to love one another. 1 John 4:11

tawh pi le pute zahtak-in pahtawi thei ding i hiam?

Jesu in Pasion pen a Pa ahih lam a theih in kum 12 pha pan hi. Amah'n Joseph le Mary zatak kul nawn kei ei ci-in a ngaihsun hiam? Tua bangin ngaihsun lo hi.

Kum 30 aphak ciangin hih leitung-a a sep ding a thupi diak nasep a kipat nadingin inn nusia in paikhia hi. Tua leh tua masiah Amah koi ah om hiam? Bang sem hiam? **Luke 2:51** sim in.

Jesu in singlamteh tungah a sih ding nangawn in a nu ngaihsun hi. **John 19:26, 27.** Nu le pa zahtak nading thukham palsat ngei lo hi. Eite zuih dinga Jesu hong lah limpha bangzah takin hoih hiam!

 **NGAIHSUN-IN:** Nu le pa zahtak piakna in ei leh nu le pate hong lungdam khawmsak hi, cih Pasion le Satan in thei hi. Eite in lungkim loin, i phun phun ciangin a zahtak mah ihi hiam? Kam dawnkikna leh a thu man pah lobnate e leh? Hih a thupi thupiak na zuih theih nading lampi pawlkhat gen lai dih in.

MONDAY

2

Thupiak numbat gukna palsat ding na ngaihsun thei hiam? **Paikhiatna 20:13.** Midangte athat taktak mi a om hiam? Om mah hi; bangzah takin dahhuai hiam? Tu laitak thupiangte i et ciangin, i muh, i zak gal le sa kithahna tampi tak i mu hi.

Khat veivei, mihingte thau le guza tawh ahih loh hang amau le amau in kithat uh hi. A hoih lo zong-satna ahi zudawwna, zatepna leh cidamna tawh kituak lo nek-le-dawnte tawh damdam in kithat uh hi. Hih thukham a kizuih loh nadingin Satan in a hihtheih zahin hanciam hilo hiam?

Tua ahih leh video games, kimawlina milimte, kithahna le kitotna a kihel color laibute e leh? Jesu in hih

nate tawh kimawl dingin na um hiam?


Jesu in kimawlina thaute bawlin, tuate tawh kikap ziahziah dingin na um hiam? A khut tawh mite kawkin amaute a kaplum dingin a kineih diam?



Cain le Abel tangthu na phawk lai hiam? Cain in bang ngaihsutna nei hiam? **Pian. 4:5.** Muhdahna le hehna pen mithahna tawh a kisai hiam? **1 John 3:15** sim in.

Taktak maw? Tua ahih leh i hehsuak-in mi i muhdah ciangin thupiak numbat gukna a palsat ihi hiam? Nak thupit mahmah hilo hia mate?

Jesu in amau a hoih a kisa, a kiphat mi pawlkhat, ahi zongin Amah mudah in a thah sawm mite i pa pen kua ci hiam? **John 8:37, 44** sim in.

 **NGAIHSUN-IN:** *Thupiak numbat gukna in na ngaihsut sangin a thupizaw hiam? Na zui nuam hiam? Naupang dangte adingin limpha nahi thei diam? Koidan in? Jesu in lungdam takin hong huh ding hi.*

TUESDAY

Paikhiatna 20:14 simin. Nu le pate in khat le **3** khat tungah cihtakna tawh innkuan nuam ahih theih nangun hih thupiak in huh ding hi. Tua banah, hih thupiak in naupangte lungdamsak ding hi.

Hih thupiak i zuihloh nadingin banghun in koi bangin mihingte ze-et leng hoihpen ding cih Satan in thei hi, tua hileh amah in i lungdamna hong susia thei ding hi.



Naupangte, ahihkeh khangcing khinte zong "lawmngaih" tawh a ki ciamnuh lam na za ngei hiam? Tua pen haihuai-in khialhna ahi hi. Hih pen Satan hong sepsak nop hi a, i kumte cingin

ahun hong tun cianga Pasion hong deihsak ahi innkuan nuam i suahna ah i lungdamna a susia ahi hi.

Hih thupiak hong palsatsak thei ding a tuamtuahte mu in, i zak ding Satan in dei mahmah hi. Ahih hangin Jesu in lungsim siangtho i neih zawh nadingin vangliatna leh hangsanna hong pia thei hi.

 **NGAIHSUN-IN:** *A etlawm silh-le-ten le gamtatnate in hih a thupi thupiak hong zui-sakzo zaw dingin na um hiam? Hong huh takpi mah hi. Tua ahih leh numeino leh pasalnote in hih thu ah ciamnuh bawl loh ding leh nang zong hong kituacih khak leh kidawm a pilvang taka nial ding khentat pah lo ding nahiam?*



WEDNESDAY

4 Pasion thupiak pawlkhatte atom mahmah hangin a gennop a zaipi hi, cih a sin ihi hi. Thupiak numbat giatna in bang hiam? **Paikhiatna 20:15.**

Hi mah hi, gutate, mi gilote' gamtat-sia teng i thei hi. Hidan gamtat hoih lote sem ngei vet kei ning ci-in i ngaihsun tek hi. Eite hong kem hong dal ding palikte leh thukhun a om pen a lungdam-huai hilo hiam?

Gu i cih bang hiam? Ei a ahi lo van khat lakna na ci ding hiam?



I ngaihsut khak loh guktakna a om ding hiam? Bang ahi tam? Ei tawh kisai lo cih thei napi moh khat va pai khiankhian a va lakna ahi diam? Van khat kawm a piakkik lohna zong gukna tawh a

kibang diam?

A manlah mite adingin hun pen manpha mahmah hi. I zekai manin ei hong ngak mi khat i hun i guksak thei diam? Sabbath e leh? Tua pen Pasion' neihsa atuam vilvel hun hi. Ama hun i zat khialh ciang e, gu a kici thei diam? Kici thei mah hi.



Satan in Pasion kiang pan a guk sawm hangin, Pasion pen leitung leh na khempeuh anei taktpa ahi hi. **Late 50:10-12.** Ahih hangin Pasion in sumlut hong piak ciangin, sawm-a-khat Ama a' ci hi. Tuate awlmawh lo-a i zat ziauh ciangin Amah'n ei bang hong ci hiam? **Malachi 3:8** sim in.

Pasion a buluh mi tampite in Ama sum aguk ciangin a thupha bangzah suplawh a, tua in bangzah-a lauhuai cih phawk kha lo uh hi. **Aneu 9, 10** sim in.



NGAIHSUN-IN: *I nuntak laiteng in thumaan ding leh*

diktat ding teel tawntung ni.



THURSDAY

Paikhaitna 20:16 sunga thupiak numbat

5 kua-na sim in.

Aman lo-a tecipanna pen zuau-khemna mah hi. Tua ahih leh “na vengte lang ah” acih in bang hiam?



I vengte kua hiam? Na inn gei-ateng bek hiam? Ni khat Jesu kiangah thukham hilh siapa khat in hih dotna na dong hi.

Luke 10:25-29.

Tua ciangin Jesu in leitunga om mi khempueh innkuan khat ihih lam a kitelsak ding tangthu khat gen hi.

Luke 10:30-37 sim in. Eite pen khat le khat i kism tek a, kisapna a nei khat peuh pen i vengte hipah hi. Khat le khat i kihuh ding kism hi. Tua hileh eite pen a migi mihuhte ihi ding hi. Zuau i genkei ding hi. Jesu' tangthu genna-



ah, Pasian thukham zui a kinei mite in amau a ki-it bangun midangte it lo uh hi. Kinei h-khemna zong zuau khemna hi. Zuau

khemna nam khat bek omlo hi. Zuau aneu agol aom daim? Pasian in a neunote phamawh asa diam? Hih dotnate aman takin na theih nadingin Jesu kiangah huhna ngen in. A nuai a sik-li sungah ngaih-sut ding dotna thupi pawlkhat om hi.

NGAIHSUN-IN: *Satan in vantung, leitung ah buaina le dahmate apatcil lai-in zuau tawh na pan hi. Jesu in van ah hong lato in, leitung a bawlhak ciangin zuau gen a om ding hiam? Jesu in thumaan gen tawntung dinga hong deihsakna pen lamdang lo hi.*

FRIDAY

Paikhiatna 20:17

6 sunga Thupiak numbat sawmna sim in.

Haza acih bang a cih nopna hiam? Pasian in ei adinga hong deihsak loh ahih kei leh ei a ahi lo khat pen ei adinga deihsak, lung-gulhna hi. Thupiak dange dan mahin hazatna zong

lungsim pana hong kipan hi. Pasian kiangah zuau agen cil ma in Pasian i gliatna-teng ngaihsut-in paaikhia tuan lo ahih manin hazatna kipan hi.

van-



H a z a t n a kiptatna pen baih mahmah a, i neih loh ei hong lung-nuamsak ding nate deihsakna hong neisak in,

deihsakna le hazatna hong neisak hi. Hazatna in lungkim lohna hong neisak den hi, banghang hiam cihleh i deihsak ngah ta lehang zong adang hong deihsak lailai hi.

Philippi 4:11; 1 Timothy 6:8; Hebrew 13:5 sunga Pasian' gen lungnop nadinga thusimte sim in. I neih bangbang i neih zahzah tawh lungkim a i lungdam theih hoih hilo hiam?

NGAIHSUN-IN: *Mi na baza ngei hiam? Na lawmte tawh na kibat nop manin a puansil leh a van khat peuhpeuh na ngen ngei hiam? Midangte bangin kivakna hauzaw, melhoih zaw leh minthang zaw hi lecin a lungdam zaw dingin na kingaihsun ngei hiam? Lungkim nading leh lungdam nadingin banghang in Jesu ki-huhsak lo ding i hiam?*

THUKHAM #9

A awn'na ah “Yes” ahihkeh “No” at in:

1. Thu manlo tawm igen na in hih thukham i zahtak loh na hiam? _____
2. Kam pau khia lo in zuau aki khem thei diam? _____ Koi dan in? Koidan lampi hiam?
3. Sangah lai etteh na in zuau khem tawh aki bang hiam? _____ Banghang?
4. Thuman agen ngei lo mikhat na muangthei ding hiam? _____
5. Thuman agen den mite na deihsak hiam? _____
6. Nang thuman na gen tawntung nuam hiam? _____

FURTHER STUDY: Exodus 20:12–17; Patriarchs and Prophets, pp. 308, 309.



THE STORY CORNER

Paul i Vasa Naipaakno-khen 2

Adapted from *Scrapbook Stories* by Amy Sherrard

Aomna inndeih ah a nu hong ciah ciangin Paul pen puanza tawh kitun gal muh a, patau mahmah hi. A lupna ah nawhpai kawm in, lunghimawhna tak tawh, “Paul, na ci na hiam?” ci-in dong hi.

Paul in a mit hongin, a piangsa huih le guah kith-uah thute ngaihsun kawmin hong nuihmai hi. “Oh Nu aw, ka ci na lo hi. Tuni huih in i tawlet kawm zawlte hong mut a, inndeih sung guahtui a kawtna en sin aw,” ci hi.

Paul in a puanza a khep kawm-in a nu in a et aleh Paul i gen vasano zong mu a, a lungdam mahmah hi. Paul in thu-piangteng gen a, “hih pen a it-huai vasano ci-in sam ning, it-huai takpi mate,” ci hi.

A nu in zong hoihsa hi, ahi hangin a kha lang khat hoih nawn loin, tawm kiasuk ta hi. A khe me nihte zong om nawn lo lai hi. Vasano in a nu en in, ham ciauciau hi. Vasano in a lum leh a keu deihi hi. Amaute nih a kiho sungun, vasano in a naipak a multe singkhia in, hoihtak in mun khat ah koihi hi.

A nu in, “Vasano a gil kial ngel ding hi. I vengte khat in zong vasano nei hi. Vasa-an ka leitawi thei diam, va dong ni,” ci hi.

A sawt loin vasa pawlkhat a nu hong ciahkik a, vasano in an a nek ziahziah a muh ciangun a nih un nui gawp uh hi. Vasa in an bek hilo, hai neu tawh tui tawm a piakte zong dawn gai hi.

Nitak a lup hun ciangin Paul in tutphah nih kikal ah ciangkang khat koihi a tua tungah a vasano tuangsak in, a kha nuai ah a lu khumsa in ihmu hi.

Tua vasano hong om ni a kipan Paul a lungleeng nawn lo hi. Ahi zongin a sawt loin vasano nek ding an kism cih Paul in hong phawk a, a nu in vasa-an lei nading sum nei lo cih zong thei hi. Tua leh, Paul in, “Vasa-an lei nadingin sum koici ngah theih ding ka hiam” cih hong lungngai ta hi.

Tua khit ciangin amau inn tawh a kizom a vengnu Jane hong phawk hi. Jane tawh a omna uh kinai ahih manin, tawlet pan kimu in kiho thei zel uh hi. Jane in Paul a neu tung pana khebai in a om pen hehpih huaisa in, a lungnop lohpih hi. “Hello, Paul” ci-in



... sam hi. Tu in Paul in a et ciangin Jane in a khut tawh sep kawm khat a neih lam phawk hi. Sum ngah nadingin na khat sem kawm cih thei hi. Amah’n a khut tawh a sep theih ding pawlkhat, Jane in vaihawmsak thei kha ding hi.

Paul i khete tang thei loin, a pumpi zawm mah leh a khutte nih pen hoihtak zang thei hi. A khutme teng tang zize in, a pumpi leh a khete hoihtak-a a zang thei naupang pawlkhat i khut sangin John’ khutte khauh zaw tham hi.

Tua ciangin Paul in a tawlet gei ah a tutphah hong kai pheih hi. A khuadak leh Jane ama tawlet gei-a om mu a, a lungdam mahmah hi. A khut tawh nasep kawm khat nei cih tel mahmah hi.

Paul in a sap ciangin Jane in en a, maitai hi.

“Jane aw, bang hih na hiam?” ci-in dong hi.

Jane in “Khauphan dan khat nasep sem ing” ci hi. “A hamsa hiam?” acih leh,

“Oh, hamsa peuhmah lo hi. Nang zong sin thei niteh” ci hi.

“Vasa-an leina khop ding sum ka ngah zo ding hiam,” ci-in a dot ciangin Jane in, “Ngah lua ding hiteh, kong hilh diam” ci hi. Tua leh Paul in, “Oh, hehpihna tawh hong hilh in,” a cih khit ciangin Jane in, “Nitak ciang hong pai ning maw,” ci-in kamciam hi. Paul in Jane pai ding ngak ngiungeu hi.

(Zop Lai Ding)



Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.